

Gvangjsih Minzcuz Bau

Cawjguen: Gvangsih Bouxcuengh Swcigh Minzcuz Cunghgyau Swvu Veijyenzvei

Cawjbanh: Gvangsih Minzcuz Bause

Geiz neix 8 banj

广西民族报

Aenhauhokbanj: CN45-0036

B.2023

Nd.7

Ng.26

Liggaeuq gveijmaux nienz ndwenroek cogouj

Geizsoq: Gungh daih 3582 geiz

Siz Ginbingz Hoiz Saenq Hawj Boux Daibyauij Yensw Lauxcangh “Gohyoz Caeuq Cungguk”

习近平给“科学与中国”院士专家代表回信

Sinhvaze Baekging 7 nyied 21 hauh dien Cunghgunz Cunghyangh cungsihgi, guekgya cujsiz, Cunghyangh Ginheij cujsiz Siz Ginbingz 7 nyied 20 hauh hoiz saenq hawj boux daibyauij yensw lauxcangh “gohyoz caeuq Cungguk”, caensim maqmuengh bouxguhghong gohgi haeuicoengh caeuq caeuqfaenh gohbuj saehnieb.

Siz Ginbingz youq ndaw saenq naeuz, lai bi doxdaeuj, gyoengqsou gaenxmaenx caeuqfaenh gij yienghsaeh cunz gangj “gohyoz caeuq Cungguk”, gvangqlangh cienzboq gohyoz

cihsiz, fatyengz gohyoz cingsaenz, doidoengh cienzdoh gohyoz miz cozyung lai.

Siz Ginbingz vixok, cienzdoh gohyoz dwg gij hong giekdaj youqgaenj saedyienh cauhoq hwngfat. Maqmuengh gyoengqsou laebdaeb fatyengz gij cienzdohgij miznaj gohyoz bauq guk, daiqdoengh engq lai bouxguhghong gohyoz haeuicoengh caeuq caeuqfaenh gohbuj saehnieb, aeu gij neiyungz ndei lai caeuq gij hingzsih vnz raen lai, gikfat gij yinxdaeuz bouxcoz nyezrauh gyaenz gohyoz, damqra gij caengz rox, coihawj

bouxbox gohyoz suciz daezsang, vih saedyienh gohgi suiyingz sang gaglaeb gag’ak, doicaenh yiengh yendaiva Cungguk mboujduenh guh’ok goengrengz moq.

2002 nienz 12 nienz, ndaej daengz Couh Gvanghcau, Lu Yungjsiengz daengj yensw lauxcangh iuheuh, Cungguk Gohyoz Yen lienzhab Cunghsenhbu daengj danhvei caezcaemh guh hwnj gij yienghsaeh cunz gangj yensw lauxcangh “gohyoz caeuq Cungguk”, daengz seizneix gaenq youq daengx guk guh yienghsaeh gohbuj 2000 lai ciengzbaez.

Mboengqneix, 20 vnz boux daibyauij yensw lauxcangh caeuqfaenh yienghsaeh cunz gangj “gohyoz caeuq Cungguk” raiz saenq hawj Siz Ginbingz cungsihgi, bauqlwnh gij cingzcih yienghsaeh cunz gangj haiguh doxdaeuj aeundaej haenx, iuheuh hainduj aen hengzdoengh “cien boux yensw • cien ciengz gohbuj”, gietcomz gij rengz gyoengq boux yensw lauxcangh, vih gyagiengz hwnqguh gij rengz gohbuj guekgya, gyavaiq saedyienh suiyingz sang gohgi gaglaeb gag’ak guh’ok goengrengz engq hung.

Lungzswng:

“Cietdakbuh” Yinx Hek Daeuj Lai

龙胜:“晒衣节”引来八方来客

7 nyied 23 hauh (liggaeuq ndwenloeg coloeg), Lungzswng Gak Cuz Swciyen Lungzciz Cin Dacai Cunh gwn cietdakbuh “loeg nyied loeg”. Ngoenzhaenx, vnzmbanj gak ranz dak gak cungj gak yiengh buhvaq Hungzyauz youq baihnaj ranz bonjfaenh, lij youq gvangjancangz langhbaiz dinfwnz guh buhvaq Hungzyauz caeuq baenz bak boux sau Yauzcuz youq henz dah roi byoemraez, banhaemh youq gwnz nazmbaeklae diemj bogfeiz daengj yienghsaeh biujyienj, yinx ndaej fanh boux doxhwnj bouxhek daeuj yawjngonz. Ndaw doz dwg beixnuengx Yauzcuz cingq dak buhvaq.

(Dangz Gvangjdungh ingj)



Bouh Nduj Dauqsaw Menhveh Cauhdaeuz Lwnhgangj Gojgaeq Vajsi Fuhyinz Hoenx Yizbwnj Yaek Okseiq

首部讲述瓦氏夫人抗倭故事的原创漫画丛书即将问世

Bonj bauq siusik (gicej Veiz Yingcinh) 7 nyied 22 hauh, 20 lai boux hekgyiq daj gak hangz gak gaiq daeuj haenx doxcomz Nanzningz Gozci Veicanj Cunghsinh, caezcaemh guhcingq fatbuh 《Denhlangz Gez》IP cauhaeuz Gvangjsih. Gicej daj aenhoih cam rox, dauqsaw menhveh 《Denhlangz Gez》cauhguh daezcaiz caeuq beigingz dwg Vajsi Fuhyinz hoenx Yizbwnj, youz Gvangjsih Gujci Susw Yisuz Cangcoz Cunghsinh dajcauh, dajveh bicog okseiq, benqdoenghveh caemh mingz hix cingq caepcawq. Ciuq cam rox, neix dwg bouh nduj dauqsaw menhveh cauhaeuz lwnhgangj gojgaeq Vajsi Fuhyinz hoenx Yizbwnj.

Gvangjsih Gujci Susw Yisuz Cangcoz Cunghsinh youz Gvangjsih

Vansieng Vwnzva Gohgi Youjhan Gunghsw, Gvangjsih Nanzfungh Susw Gohgi Youjhan Gunghsw lienzhab cauhaeub, muzdiz haengrengz cauguh caeuq cienzboq dozsiengq yingjsi gij neiyungz vwnzva ciuhgeq maenhndei sawgeq Cungguk miz haenx. Gyoengqvunz aen doih cauguh miz boux vwnzyoz cauguh, yisuz sezgi, susw gisuz caeuq cau’eiq hangzyez daengj daj mbouj doengz gizdieg daeuj haenx, doenggvaq cauguh yingjsieng neiyungz sawgeq miz haenx, hawj gij neiyungz ndaw sawgeq “lix” hwnjdaej; doenggvaq dajcauh baenzdauq saw menhveh, doidoengh cienzboq gij neiyungz vwnzva ciuhgeq maenhndei Cunghvaz; doenggvaq hwnqguh susw yisuz swhyenz, vih AI yinhsuenq guh doz

cwkrom gihcuj swhyenz lai.

Ciuq cam rox, coglaeng 5 bi, aen cunghsinh neix yaek saedhengz “sam aen gunghcwngz hung” —gunghcwngz cauguh “aen cang yingjsieng cienzdzad si’ gyoj siusiq minzcuz vwnzva”, gunghcwngz dajcauh “dauqsaw doenghmenh cauhaeuz vwnzva ciuhgeq maenhndei Cunghvaz”, gunghcwngz hwnqguh “aen cang soqgawq AI soqcih yisuz sawgeq”. Dangguh aen hanghmoeg gunghcwngz dajcauh “dauqsaw doenghmenh cauhaeuz vwnzva ciuhgeq maenhndei Cunghvaz” ndawde aen ndeu, 《Denhlangz Roek Bouh》dwg gij IP (vwnzcang cozbij) cauhaeuz daihgingz daezcaiz bonjdieg Gvangjsih, gujsuenq gungh doiok 30 cek sawdoz menhveh caeuq 30 ciz doenghveh, baugvat

《Denhlangz Gez》《Cax Denhlangz》《Gienz Denhlangz》《Caenq Denhlangz》《Ging Denhlangz》《Bya Denhlangz》daengj.

Dangguh bouxfucwz caeuqfaenh vwnzyoz cauguh 《Denhlangz Gez》, canghraiz mizmingz Gvangjsih Vanz Buyih nyinhnaeuz, Siz Ginbingz cungsihgi youq gwnz Aenhoih Byaujancangh Minzcuz Doxgiet Cinbu Daengx Guek gangj daengz gij saeh lizsij Vajsi Fuhyinz hoenx Yizbwnj, haengjdingh gij goengrengz mad mbouj baenz de doiq guekgya, minzcuz guh’ok haenx, Gvangjsih wnggai guh’ok cingzcih hoizwngq. “Gangj ndei gij gojgaeq Gvangjsih, dwg gij bonjfaenh gou guh boux canghraiz Gvangjsih ndeu.” Vanz Buyih naeuz.